

Doseljenje za Njemačku u cilju zapošljavanja: Pravilo za zapadni Balkan i Zakon o imigraciji stručne radne snage

Vi imate sljedeće mogućnosti doputovanja za Njemačku u cilju zapošljavanja:

1. Zapošljavanje u okviru pravila za zapadni Balkan

Za državljane Albanije, Bosne i Hercegovine, Kosova, Severne Makedonije, Crne Gore i Srbije postoji takozvano “Pravilo za zapadni Balkan” (član 26 stav 2 Zakona o zapošljavanju). Po ovom pravilu Savezna agencija za rad može nakon prioritete provjere izdati suglasnost za obavljanje svake djelatnosti. Za to Vam je potreban radni ugovor ili obavezujuća ponuda za radno mjesto. **Priznanje Vaše kvalifikacije ovde nije preduvjet**, osim ako Vi želite raditi u nekom reguliranom poslu, kao što je npr. kao liječnica ili liječnik.

2. Zapošljavanje kao “stručna snaga”

Ako težite doseljenju kao stručna snaga, **za zahtjev za vizu u cilju zapošljavanja kao stručna snaga potreban Vam je nakon konkretne ponude radnog mjesta i dokaz da je Vaša kvalifikacija u Njemačkoj priznata ili se može porediti s nekom njemačkom stručnom kvalifikacijom**. Ovo važi za zapošljavanje u reguliranim i nereguliranim profesijama.

Kako možete svoju stranu kvalifikaciju u Njemačkoj dati na priznanje, saznaćete na informativnim stranicama njemačke savezne vlade “Priznanje u Njemačkoj”. Možete se i posavjetovati kod Centralnog servisnog mesta za priznavanje profesija.

2.1 Dolazak u cilju priznavanja strane kvalifikacije

Jeste li podnijeli zahtev za priznanje Vaše kvalifikacije i ona nije u potpunosti priznata? Imate i mogućnost pohađanja kvalifikacionih mjera, kako biste dobili potpuno priznanje. Za to morate kod nadležnog inostranog diplomatsko-konzularnog predstavništva podnijeti zahtjev za dodjelu vize u cilju priznanja strane stručne kvalifikacije.

i Infobox: Partnerstvo za priznanje

Od 01. marta 2024. godine se **uvodi mogućnost zapošljavanja u okviru partnerstva za priznavanje**: Sa partnerstvom za priznavanje se omogućava dobivanje boravišne dozvole za vršenje kvalificiranog zaposlenja, a da se neophodni postupak priznavanja sprovodi uporedno tek nakon dolaska. Dalje informacije naći ćete na portalu “Make it in Germany“ u rubrici “[Visa & residence](#)”.

2.2 Dolazak u cilju traženja posla

Pod određenim preduvjetima možete doputovati i u cilju traženja posla. Od 1. juna 2024. godine u tu svrhu možete podnijeti zahtjev za izdavanjem vize sa šansa-kartom kod nadležnog njemačkog diplomatsko-konzularnog predstavništva ili – ako već boravite u Njemačkoj sa boravišnom vizom – kod službe za strance.

Upućujemo Vas na “ubrzani postupak za stručnu radnu snagu”, koji je nastao u 2020. godini, za koji Vaš budući poslodavac u Njemačkoj može pokrenuti postupak dolaska uz plaćanje posebne takse. Ovaj postupak je povezan sa skraćenim rokovima obrade za ustanove koje u njemu učestvuju, uključujući i odjele za vize. Ali, dolazak u okviru pravila za zapadni Balkan nije moguć sa ubrzanim postupkom za stručnu radnu snagu.

Ovdje ćete naći korisne informacije o aktualno važećim propisima za imigraciju stručne radne snage: <https://www.make-it-in-germany.com/en/visa-residence/skilled-immigration-act>